



www.qbz.gov.al

Buletini i Njoftimeve Zyrtare I REPUBLIKËS SË SHQIPËRISË

Botim i Qendrës së Botimeve Zyrtare

Viti: 2017 – Numri: 36

Tiranë – E hënë, 13 nëntor 2017

PËRMBAJTJA

	Faqe
Vendim i Gjykatës së Rrethit Gjyqësor Durrës nr. (11-2016-2135)738, datë 9.5.2016	Vazhdimi i procedurës së falimentimit të shoqërisë “Mobil Eni” sh.p.k..... 3
Njoftim i institucionit të Presidentit të Republikës nr. 2658/1, datë 10.11.2017	Për shpalljen e vendeve vakante pranë institucionit të Komisionerëve Publikë..... 5



**VENDIM
I GJYKATËS SË RRETHIT GJYQËSOR
DURRËS**

Nr. (11-2016-2135)738, datë 9.5.2016

Mbi vazhdimin e procedurës së falimentimit

Gjykata e Rrethit Gjyqësor Durrës, e përbërë prej kryetarit të seancës gjyqësore: Petraq Çuri, asistuar prej sekretares Eriola Gashi, sot më datë 9.5.2016, mori në shqyrtim në seancë gjyqësore, çështjen civile që i përket:

KËRKUES: 1. Shoqëria “Mobil Eni” sh.p.k., me nr. NUIS J92406502S, me seli në Durrës, L. 17, pranë Tregut Industrial, me administrator Andi Koça e Artan Ziu, përfaqësuar me deklaram dhe me autorizimin datë 29.12.2014, nga Av. Ervin Demko, me nr. lic. 4868 dhe NUIS L31310501V, i Dhomës së Avokatisë Durrës.

2. Agjencia e Mbikëqyrjes së Falimentit pranë Ministrisë së Drejtësisë Tiranë, përfaqësuar me autorizimin nr. 42, datë 15.9.2014, nga Alfred Pupli, në mungesë.

PERSONA TË TRETË: 1. Qendra Kombëtare e Regjistrimit Tiranë, në mungesë.

2. Zyra Vendore e Regjistrimit të Pasurive të Paluajtshme Durrës, në mungesë.

3. Enkelejda Ziu, e bija e Miço dhe e Haretisë, datëlindja 13.9.1973, lindur e banuese në Durrës, L. 1, Rruga “Taulantia”, nr. 1008, në mungesë.

4. Drejtoria e Tatim Taksave Bashkia Durrës, në mungesë.

5. Drejtoria Rajonale e Tatim Taksave Durrës, në mungesë.

6. Banka Kombëtare e Greqisë, përfaqësuar nga Ermira Lahi dhe Oligerta Kasneci.

7. Raiffeissen Bank, përfaqësuar nga Edison Arizaj dhe Arbër Ademi, me autorizimin datë 24.4.2014, në mungesë.

8. Procredit Bank, në mungesë.

9. OSHEE sh.a. Durrës, përfaqësuar nga Dorian Neziraj, me autorizimin nr. 110/3 prot. datë 6.10.2015, në mungesë.

10. Kompania celulare Vodafone sh.a., përfaqësuar me autorizimin datë 22.7.2014, nga Klajd Shalësi, në mungesë.

OBJEKTI: Vazhdimi i procedurës së falimentimit.

Baza ligjore: Neni 334 e vijues i K.P.C., nenet 7, 233 të ligjit nr. 8901, datë 23.5.2002, “Për falimentimin”, të ndryshuar.

Gjykata, pasi administroi provat, dëgjoi palën kërkuese, që kërkoj të vazhdojë procedura e falimentimit;

Personin e tretë, NBG Bank, që kërkoj mbylljen e procedurës së falimentimit;

Personat e tjerë të tretë, në mungesë;

Administratoren e falimentimit, Shpresa Breçani, në mungesë;

VËREN:

Gjykata e Rrethit Gjyqësor Durrës, me vendimin datë 16.6.2014, ka vendosur:

“Të pranojë kërkesën e kërkuetit, shoqërisë “Mobil Eni” sh.p.k.

Hapjen e procedurës së falimentimit për palën kërkuese, shoqëria “Mobil Eni” sh.p.k., me seli në Durrës, L.17, pranë Tregut Industrial, me objekt veprimtarie: Tregtia me pakicë e mobilieve dhe aparateve të ndriçimit.

Të caktojë si administrator të falimentit Robert Begaj, lindur në Vlorë e banues në Tiranë, Rruga “Medar Shtylla”, 48/1.

Hapja e procedurës së falimentit u krye në orën 14:30, të datës 16.6.2014.

Pala kërkuese, shoqëria “Mobil Eni” sh.p.k., si dhe kreditorët, palët e treta, Banka Kombëtare e Greqisë, Raiffeissen Bank, Procredit Bank, Drejtoria Rajonale e Tatimeve Durrës, Drejtoria e Tatim Taksave pranë Bashkisë Durrës, CEZ Shpërndarje, Kompania Vodafone sh.a., duhet të paraqesin, tek administratori i falimentit, pretendimet e tyre me shkrim, si dhe bashkëngjitur dokumentacionin përkatës.

Afati i paraqitjes së pretendimeve nga palët kreditore nuk mund të jetë jo më pak se 15 ditë dhe jo më shumë se 90 ditë nga data e këtij vendimi.

Kreditorët e palës kërkuese duhet të zhvillojnë mbledhjen për raportim më datë 11 shtator 2014, ora 10:00. Nga ana e administratorit të falimentit duhet të paraqitet një raport para kësaj mbledhjeje dhe t’u komunikohet palëve kreditore.

Pala kërkuese debitore, shoqëria “Mobil Eni” sh.p.k., duhet që detyrimet e saj t’ia paguajë administratorit të falimentit.

Urdhërohet QKR-ja Tiranë të publikojë këtë vendim në internet, në faqen zyrtare të saj.



Një kopje e këtij vendimi t'i dërgohet personave të tretë, që janë në mungesë dhe janë kreditorë të palës kërkuese.

Një kopje e këtij vendimi t'i dërgohet ZQRP-së Tiranë, të gjitha bankave të nivelit të dytë, Drejtorisë së Përgjithshme të Tatimeve Tiranë, Autoritetit Rrugor Kombëtar Tiranë.

Heqjen e masës së sigurisë mbi pasuritë e palës kërkuese vendosur me vendimin e datës 21.5.2014".

Gjykata konstaton se çështja hyn në juridiksionin gjyqësor dhe kompetente për gjykimin e saj është Gjykata e Rrethit Gjyqësor Durrës.

Nga gjykimi i çështjes rezultoi se:

Pala kërkuese, shoqëria "Mobil Eni" sh.p.k., është shoqëri e së drejtës tregtare shqiptare, e regjistruar pranë QKR-së Tiranë, më datë 18.9.1999, dhe me aktivitet të saj tregti me pakicë e mobileve dhe aparateve të ndriçimit.

Administratorë të saj janë dy ortakët, Andi Koça e Artan Ziu, nga data 17.5.2011 deri më datë 17.5.2016.

Mbas vendimit të datës 16.6.2014, gjykata ka vazhduar procedurën e falimentimit dhe më datë 17.3.2016, nga ana e administratores së falimentimit, Shpresa Breçani, është paraqitur: "Raport mbi ecurinë e procedurës së falimentimit të shoqërisë "Mobil Eni" sh.p.k., detyrë kjo e caktuar nga gjykata me vendimin e ndërmjetshëm të datës 22.2.2016.

Me vendimin nr. 45, datë 12.4.2016, kjo gjykatë ka vendosur:

"1. Të mos pranojë kërkesën e kërkueses, shoqërisë "Mobil Eni" sh.p.k., të datës 22.2.2016, për ndryshim në planin e organizimit.

2. Të pranojë kërkesën e NBG Bank, të datës 22.2.2016.

Nxjerrjen jashtë procedurës së falimentimit të pasurive të lëna kolateral me:

1. Kontratë hipotekimi nr. 879/1, me nr. 595 rep. dhe nr. 309/2 kol., datë 26.5.2010, hipotekues janë Andi Koça, Artan e Enkelejda Ziu.

Pasuritë:

Apartament 151 m², nr. pas. 26/160+1-21, ZK 8512;

Apartament 151 m², nr. pas. 26/160+1-22, ZK 8512;

Ndërtesë 3 kate, banesë dhe dyqane, nr. pas. 9/206, ZK 8513, Durrës.

3. Të mos pranojë "Raportin mbi ecurinë e procedurës së falimentimit të shoqërisë "Mobil Eni" sh.p.k., të datës 17.3.2016, të administratores së falimentimit, Shpresa Breçani.

4. Të pranojë kërkesën e administratores së falimentimit për pagesën e saj në masën 1.500.000 lekë, e cila do të paguhet nga pala kërkuese, shoqëria "Mobil Eni" sh.p.k.

Mbas dhënies së këtij vendimi, gjykata caktoi seancën e sotme për të vendosur lidhur me vazhdimin ose jo të kësaj procedure falimenti.

Nga ana e administratores së falimentimit, Shpresa Breçani, u paraqit kërkesa e datës 12.4.2016, sipas së cilës ajo kërkon që shpenzimet e saj si administratore, në mënyrë që ajo të ekzekutohet vullnetarisht.

Gjykata vlerëson se në kushtet kur pala kërkuese nuk ka ekzekutuar vendimin e gjykatës, për mungesë të fondeve financiare, administratorja mund ta vërë në ekzekutim pranë një zyre përmbarimore për ekzekutimin e këtij vendimi.

Gjykata konstaton se procedura e falimentimit e palës kërkuese bazohet në nenin 13 dhe 14 të ligjit 8901, datë 23.5.2002, "Për falimentimin".

Gjatë gjykimit të kësaj çështjeje, pala kërkuese ndryshoi aktivitetin e saj tregtar, duke u regjistruar si "Shkolla e mesme jopublike, Teuta" sh.p.k., më datë 15.6.2015, me administratore personin e tretë të thirrur në këtë gjykim, Enkelejda Ziu, bashkëshortja e ortakut Artan Ziu.

Administratorja e falimentimit, Shpresa Breçani, në "Raportin mbi ecurinë e procedurës së falimentimit të shoqërisë "Mobil Eni" sh.p.k., në pikën "1/a" të saj shprehet:

"a) debitori ka dështuar në paraqitjen e një plani organizimi, i cili mund të kishte mundësi të pranohej nga ana e kreditorëve".

Në rrethanat kur nga ana e gjykatës, pasuritë kolaterale të palës kërkuese "Mobil Eni" sh.p.k. janë veçuar nga masa e falimentimit, duke dalë jashtë kësaj procedure, gjykata vlerëson se kërkesa e kësaj shoqërie në cilësinë e debitorit nuk mund të vazhdojë më të shqyrtohet nga kjo gjykatë, duke u vendosur mbyllja e procedurës së falimentimit, mbasi pala kërkuese nuk ka më mundësi financiare për shlyerjen e detyrimeve.



PËR KËTO ARSYE:

Gjykata, pasi iu referua dhe neneve 2, 3, 7, 10, 19, 33, 34, 35 e vijuese të ligjit 8901, datë 25.3.2002, “Për falimentimin”, të ndryshuar; VKM 197, datë 13.4.2007, “Për kushtet dhe kriteret e përcaktimit të masës së shpërblimit dhe të rimbursimit të shpenzimeve të administratorit të falimentimit”,

VENDOSI:

1. Të mbyllë procedurën e falimentimit të kërkuësës, shoqërisë “Mobil Eni” sh.p.k., hapur me vendimin e datës 16.6.2014 të kësaj gjykate.

Një kopje vendimi t’i dërgohet për botim Fletores Zyrtare.

Kundër vendimit lejohet ankim brenda 5 ditëve në Gjykatën e Apelit Durrës. Për palët në mungesë, ky afat fillon nga dita e nesërme e ditës së komunikimit të këtij vendimi.

U shpall, në Durrës, më datë 9.5.2016.

GJYQTARI
Petraq Çuri

- Me vendimin nr. 10-2017-1675/690, datë 28.6.2017 të Gjykatës së Apelit Durrës është vendosur:

“Lënien në fuqi të vendimit civil nr. 11-2016-2135/738, datë 9.5.2016 të Gjykatës së Rrethit Gjyqësor Durrës.

Kundër këtij vendimi lejohet rekurs në Gjykatën e Lartë.”

KRYESEKRETARE
Marsida Shullani

NJOFTIM

Nr. 2658/1, datë 10.11.2017

**SHPLLJE E VENDEVE VAKANTE
PRANË INSTITUCIONIT TË
KOMISIONERËVE PUBLIKË**

Institucioni i Komisionerëve Publikë, bazuar në ligjin nr. 84/2016, “Për rivlerësimin kalimtar të Gjyqtarëve dhe Prokurorëve në Republikën e Shqipërisë”, dhe vendimin e Kuvendit nr. 94/2017, “Për miratimin e strukturës organizative, organikës dhe klasifikimit të pagave të personelit të institucionit të Komisionerëve Publikë”, shpall vendet vakante për pozicionet:

Specialist Financë/Buxheti (III-b)

Kandidati duhet të plotësojë kërkesat e posaçme, si vijojnë:

- Të zotërojë diplomë të nivelit “Master shkencor” në Ekonomi, dega Financë.

- Të ketë njohuri shumë të mira të gjuhës angleze.

- Të ketë të paktën 5 vite përvojë pune në profesion.

- Të ketë njohuri në programet financiare, si: *Alpha/Financa* 5 etj.

Specialist i Burimeve Njerëzore (III-b)

Kandidati duhet të plotësojë kërkesat e posaçme, si vijojnë:

- Të zotërojë diplomë të nivelit “Master shkencor”.

- Të ketë njohuri shumë të mira të gjuhës angleze.

- Të ketë të paktën 4 vite përvojë pune në fushën e burimeve njerëzore.

Specialist IT (III-b)

Kandidati duhet të plotësojë kërkesat e posaçme, si vijojnë:

- Të zotërojë diplomë të nivelit “Master shkencor” në Inxhinieri informatike, Informatikë, Teknologji informacioni etj.

- Të ketë të paktën 3 vite eksperiencë pune në fushën e Teknologjisë së informacionit.

- Të ketë njohuri shumë të mira në administrimin e sistemeve, si: *Active Directory, Outlook Mail Client*.

- Të ketë njohuri bazë mbi pajisjet e rrjetit dhe infrastrukturën e rrjetit.

- Të ketë njohuri bazë për panelet e administrimit të faqeve *web* (*WordPress, Drupal, Joomla* etj).

- Të ketë njohuri shumë të mira të gjuhës angleze.

Specialist Protokoll/Arkivë (IV-b)

Kandidati duhet të plotësojë kërkesat e posaçme si vijojnë:

- Të zotërojë diplomë të nivelit “Master shkencor”.

- Të ketë njohuri shumë të mira të gjuhës angleze.

- Të ketë të paktën 3 vite përvojë pune në profesion.

2 sekretare pranë Komisionerëve Publikë (kategoria e pagës sipas VKM-së nr. 187/2017)



Kandidati duhet të plotësojë kërkesat e posaçme, si vijojnë:

- Të zotërojë diplomë të nivelit “Bachelor”.
- Të ketë njohuri shumë të mira të gjuhës angleze.
- Të ketë njohuri shumë të mira të programeve kompjuterike *Microsoft Office*.
- Eksperienca në punë përbën avantazh.

KUSHTE TË PËRGJITHSHME

Kandidatët duhet të plotësojnë kriteret e nenit 6 të ligjit nr. 84/2016, “Për rivlerësimin kalimtar të gjyqtarëve dhe prokurorëve në Republikën e Shqipërisë”.

Kandidatët duhet të kenë aftësi për t’u përshtatur e punuar në grup, nën presion, si dhe në afate kohore të limituara.

Të gjithë aplikimet duhet të dorëzohen në një nga format e dhëna më poshtë:

- Paraqitjes së kërkesës dorazi nga aplikanti, nga data 20 deri 24 nëntor, së bashku me dokumentet përkatëse, pranë institucionit të Komisionerëve Publikë, në adresën: Godina e ish-Lidhjes së Shkrimtarëve, Rruga e Kavajës, Tiranë, nga e hëna në të premte, ora: 12:00 - 16:00.

- Dërgimin e kërkesës së bashku me dokumentet përkatëse, me anë të postës pranë institucionit të Komisionerëve Publikë, në adresën: Godina e ish-Lidhjes së Shkrimtarëve, Rruga e Kavajës, Tiranë. Aplikimi në rrugë postare duhet të kryhet brenda datës 27 nëntor 2017 dhe të vërtetohet me fletëmandatin e lëshuar nga zyra postare. Institucioni i Komisionerëve Publikë do të konfirmojë nëpërmjet postës elektronike marrjen e aplikimit.

Në kërkesën që paraqet, kandidati përcakton vendin vakant për të cilin është i interesuar. Bashkëlidhur me kërkesën, kandidati dorëzon, të mbyllura në zarf, 1 kopje të dokumenteve të mëposhtme:

- Jetëshkrimin profesional, përfshirë të dhënat e kontaktit, postën elektronike zyrtare dhe adresën postare.

- Fotokopje e dokumentit të identifikimit (letërnjoftim, pasaportë, kartë identiteti).

- Dokumentet (diplomë, librezë pune, vërtetime, dëshmi, vetëdeklarim, certifikata, trajnime etj.) fotokopje ose të noterizuara. Diplomat që janë marrë jashtë vendit, duhet të jenë njohur paraprakisht pranë institucionit përgjegjës për njësimin e diplomave, sipas legjislacionit në fuqi.

- Dokument që vërteton se në ngarkim të tij nuk është regjistruar një procedim penal (vërtetim nga Gjykata, vërtetim nga Prokuroria, dëshmi e gjendjes gjyqësore).

- Vërtetim nga institucioni ku punon që nuk ka masë disiplinore në fuqi.

- Një rekomandim nga punëdhënësi.

- Raport që vërteton se është në kushte shëndetësore që e lejojnë të kryejë detyrën përkatëse.

- Çdo dokumentacion tjetër që vërteton plotësimin e kushteve të mësipërme.

Kandidatët që plotësojnë kriteret formale dhe kanë depozituar dokumente të fotokopjuara, përpara intervistës i parashtrojnë Komitetit *ad-hoc* dokumentet e njësuar ose ato origjinale.

Buletini i Njoftimeve Zyrtare shpërndahet falas në çdo pikë të Postës Shqiptare.
Përmbajtja e Buletinit Zyrtar mund të konsultohet falas dhe pranë Qendrës së Botimeve Zyrtare.

Tiranë, 2017